



Opis uslova i zadataka

Konsultant/ica za pripremu i realizaciju treninga iz oblasti PR-a i Marketinga

Naziv pozicije: Konsultant/ica za pripremu i realizaciju treninga na teme „Ulične kampanje i kampanje na socijalnim mrežama“ i „Saradnja sa medijima, medijske objave i medijsko istupanje“

Naziv projekta: Mladi agenti društvenih promjena (Youth as Social Changemakers)

Donator projekta: cfd – Feministička mirovna organizacija, Švicarska

Vrijeme provedbe: 01.03. - 30.06.2022. godine

Predviđeni radni angažman: 20 radnih dana

Informacije o Udruženju „Amica Educa“:

Udruženje „Amica Educa“ (u daljem tekstu Amica Educa) je osnovana 1996. godine kao Švicarska nevladina organizacija „Amica Schweiz“, a 1999. godine je registrovana kao lokalna organizacija sa sjedištem u Tuzli, BiH. Amica Educa se, tokom 24 godine rada, razvila u centar za osnaživanje pojedinaca i porodica, obezbjeđujući edukativne i psihosocijalne usluge građanima/kama Tuzle i BiH. Implementirajući aktivnosti na različitim nivoima, Amica Educa unapređuje mentalno i socijalno zdravlje svih članova društva putem prevencije, edukacije, tretmana i aktivno djeluje na poboljšanje položaja žena. Neformalnim obrazovanjem doprinosi prevladavanju nedostataka formalnog obrazovanja, socijalnoj uključenosti marginaliziranih grupa i društvenoj ravnopravnosti. Djelovanje Amica Educe se ogleda u realiziranju aktivnosti Psihoedukativnog programa, Porodičnog / psihološkog savjetovališta i programa Rodne ravnopravnosti.

Informacije o projektu „Mladi agenti društvenih promjena“:

U okviru projekta Mladi agenti društvenih promjena Amica Educa ima za cilj povećati uključenost mladih u društvene promjene fokusirajući se na destigmatizaciju mentalnog zdravlja mladih, unapređenje rodne ravnopravnosti i izgradnju nenasilnog društva. Projekat okuplja oko 40 mladih ljudi kojima će se u 3 faze pružati podrška a sa namjerom iniciranja njihovog poduzimanja zagovaračkih aktivnosti. U prvoj fazi koja je već završena (u 2021.godini) mladi su osnaženi i educirani u oblasti mentalnog zdravlja, rodne

ravnopravnosti i primjene nenasilne komunikacije. U drugoj fazi projekta (2022.godina), mladi će biti educirani u različitim temama iz oblasti aktivizma i zagovaranja te podržani u sprovođenju zagovaračkih aktivnosti (realizacija ulične kampanje i realizacija kampanje na društvenim mrežama). Treća faza projekta (2023.g.) predviđa sprovođenje zagovaračkih aktivnosti prema relevantnim institucijama i organizacijama civilnog društva gdje će mladi dobiti priliku da sudjeluju u pokretanju promjena koje se odnose na njihove potrebe i prava. Koristeći vlastite ideje, inovativnost i kreativnost, mladi će dobiti priliku da na njima blizak način prenesu poruke javnosti i vlastima a koje će uticati na smanjenje stigme vezane za mentalno zdravlje, povećanje rodne ravnopravnosti i izgradnju nenasilnog životnog okruženja. Projekat implementira Udruženje „Amica Educa“ iz Tuzle a financiran je od strane cfd (Feministička mirovna organizacija) iz Švicarske. Ciljevi projekta su:

- Putem poboljšanja mentalnog zdravlja, socijalnih vještina i povećanja znanja o rodnoj ravnopravnosti, mladi ljudi osposobljeni su za ostvarivanje svojih prava u privatnom i društvenom životu.
- Važnost mentalnog zdravlja mladih i rodna ravnopravnost tematizirana je u javnosti od strane mladih.
- Zajedno sa vlastima, relevantnim institucijama i nevladinim organizacijama, mladi ljudi aktivno sudjeluju u pokretanju promjena i odluka koje se tiču njihovih potreba i prava na mentalno zdravlje i rodnu ravnopravnost.

Cilj treninga „Ulične kampanje i kampanje na socijalnim mrežama“ i „Saradnja sa medijima, medijske objave i medijsko istupanje“:

Cilj treninga jeste pružanje znanja i vještina iz oblasti PR i Marketinga odnosno osposobljavanje učesnika/ca za sprovođenje specifičnih zagovaračkih aktivnosti kao što su: Priprema i realizacija ulične kampanje; Realizacija kampanje na društvenim mrežama; Izrada online materijala za povećanje vidljivosti kampanje; Saradnja sa medijima; Izrada medijskih objava i Medijski nastupi.

Odgovornosti konsultanta/ice:

Amica Educa traži kvalificiranog/u konsultanta/icu sa dokazanom ekspertizom i iskustvom za pružanje usluge na sljedeći način:

1. Priprema i realizacija treninga za ca. 20 mladih osoba na temu “Ulične kampanje i kampanje na društvenim mrežama”
 - a) Izrada poziva na trening;
 - b) Planiranje i izrada agende treninga;
 - c) Izrada curriculumuma treninga
 - d) Izrada prezentacijskih materijala – dizajnirati aktivnosti kako bi se stimuliralo aktivno učešće;
 - e) Izrada edukativnog materijala za učesnike/ce treninga (priručnik);
 - f) Realizacija 6-dnevnog treninga koji obuhvata obradu sljedećih tema i zadataka:
 - i) Generalno: definiranje svrhe kampanje, postavljanje i kvantificiranje cilja, određivanje raspoloživih resursa, definiranje izazova i prepreka, mobilizacija utjecajnih ljudi, izgradnja vizualnog identiteta isl.

- ii) Priprema i sprovođenje ulične kampanje: osmišljavanje informativnog i promidžbenog materijala koji privlači pozornost; odabir najbolje lokacije i vremenskog razdoblja za ulične kampanje, osiguravanje potrebnih dozvola, Jasno isticanje svrhe i cilja kampanje isl.
 - iii) Sprovođenje kampanje na društvenim mrežama: odabir najoptimalnijih kanala za kampanju na društvenim medijima, načini povećanja broja pratilaca na stranicama društvenih mreža, Kreiranje postova za povećanje vidljivosti, poboljšanje atraktivnosti postova, Izrada peticija i grupnih pisama, Izrada infografika, korištenje fotografija, izrada i dijeljenje videozapisa; objavljivanje besplatnih i plaćenih oglasa, sponzoriranje isl.
 - iv) Mogućnosti korištenja aplikacije Canva za izradu online materijala
 - v) Mogućnosti korištenja drugih aplikacija za izradu online materijala
 - vi) Primjeri koji će služiti u svrhu učenja i usvajanja specifičnih znanja i vještina trebaju biti povezani sa temama Mentalno zdravlje mladih i/ili Rodna ravnopravnost.
 - g) Izrada evaluacijskog upitnika za učesnike/ce treninga i analiza dobijenih podataka;
 - h) Izrada sažetog izvještaja o realizaciji treninga baziran na opažanjima kao i postignutim rezultatima i promjenama kod učesnika. Rok za dostavljanje izvještaja je 15.05.2022.god.
2. Priprema i realizacija treninga za ca. 20 mladih osoba na temu “Saradnja sa medijima, medijske objave i medijsko istupanje“
- a) Izrada poziva na treninga;
 - b) Planiranje i izrada agende treninga;
 - c) Izrada curriculuma;
 - d) Izrada prezentacijskih materijala – dizajnirati aktivnosti kako bi se stimuliralo aktivno učešće;
 - e) Izrada edukativnog materijala za učesnike/ce treninga (priručnik);
 - f) Realizacija 6-dnevnog treninga (3 x 2 dana) koja obuhvata obradu sljedećih tema i zadataka:
 - vii) korištenje medija za promicanje zagovaračkih aktivnosti; komunikacija s medijima, definiranje privlačnog kuta / aspekta priopćenja, najave i izvještaji za medije, priprema i realizacija konferencija za medije, kreiranje mailing liste medija iz lokalne i šire zajednice, kako postati relevantan sugovornik za medije), priprema sadržaja za radijske i TV intervjuje i gostovanja, prevazilaženje nesigurnosti u medijskim nastupima i sl.
 - viii) Primjeri koji će služiti u svrhu učenja i usvajanja specifičnih znanja i vještina trebaju biti povezani sa temama Mentalno zdravlje mladih i/ili Rodna ravnopravnost.
 - g) Izrada evaluacijskog upitnika za učesnike/ce treninga i analiza dobijenih podataka;
 - h) Izrada sažetog izvještaja o realizaciji treninga baziran na opažanjima kao i postignutim rezultatima i promjenama kod učesnika treninga. Rok za dostavljanje izvještaja je 30.06.2022.god.

Period, trajanje i način realizacije treninga:

- Trening “Ulične kampanje i kampanje na društvenim mrežama” će bit organiziran u periodu mart – april 2022.god. u trajanju od ukupno 6 dana;
- Trening “Saradnja sa medijima, medijske objave i medijsko istupanje“ će biti organiziran u periodu maj – juni 2022.god. u trajanju od ukupno 6 dana;

- Svaki trening će biti podijeljen u 3 bloka po 2 dana. Jedan dan treninga traje 3 sata i 30 minuta a realizirati će se petkom od 16.30 do 20.00 sati i subotom od 09.00 do 12.30 sati. U slučaju promjene termina, konsultant/ica će biti pravovremeno obaviješten/a.
- Mjesto održavanja treninga: Udruženje Amica Educa, Klosterska 13, Tuzla

Metodologija:

Metodologija na treningu treba da predstavlja kombinaciju:

- teorijskih predavanja koje prate power point prezentaciju i edukativni materijal (maksimalno 60% vremena) i
- praktičnih vježbi (individualnih, u parovima ili manjim grupama) koje su vezane za pojedine prezentirane oblasti, specifična znanja i vještine. Praktične vježbe treba da rezultiraju gotovim materijalima a čiji sadržaj je vezan za fokuse projekta (mentalno zdravlje mladih i rodna ravnopravnost).

Konsultant/ica (trener/ica) treba da osigura aktivno učešće svih učesnika/ca, potiče komunikaciju, odgovara na pitanja i unapređuje motivaciju učesnika/ca za primjenu stečenih znanja i vještina.

Organizaciona razmatranja:

Konsultant/ica će raditi pod supervizijom direktorice udruženja i koordinatorice projekta. Konsultant/ica će se konsultirati sa direktoricom i koordinatoricom tokom cijelog perioda angažmana. Direktorica i koordinatorica će za potrebe realizacije aktivnosti konsultantu/ici staviti na raspolaganje sav neophodan materijal.

- Kreirani poziv na treninge, agende, power point prezentacije i edukativni materijali, nakon realizacije treninga postaje vlasništvo Udruženja Amica Educa.
- Izvještaje o sprovedenim treninzima trebaju biti dostavljeni na jednom od zvaničnih jezika u BiH kao i na engleskom jeziku. Izvještaj za prvi trening treba biti dostavljen do 15.05.2022.godine, Izvještaj za drugi trening treba biti dostavljen do kraja angažmana, odnosno do 30.06.2022.godine.

Trajanje i vrijednost angažmana:

- Angažman Konsultanta/ice traje ukupno 20 radnih dana.
- Vrijednost angažmana iznosi brutto 3.940,00 konvertibilinih maraka. Sa fizičkim licima zaključiće se Ugovor o djelu na temelju zakonske regulative u Bosni i Hercegovini. Sa pravnim licima zaključiće se Ugovor o poslovnoj saradnji.
- Isplata će izvršiti nakon dostavljanja izvještaja odnosno najkasnije do 30.06.2022. (u skladu sa sklopljenim Ugovorom).

Kvalifikacije aplikanta/ice – uslovi za prijavu:

Prijavu na konkurs mogu podnijeti fizička i pravna lica koja posjeduju znanja i iskustvo potrebno za pripremu i realizaciju treninga. Opći uslovi su:

- Formalno obrazovanje – Univerzitetska diploma;

- Dokazivo iskustvo u pripremi i realizaciji neformalnih edukacija i obuka iz oblasti odnosa sa javnosti i zagovaranja.
- Veoma dobre administrativne i međuljudske vještine
- Iskustvo i razumijevanja rada organizacija civilnog društva u BiH;

Način i rok dostavljanja prijave:

Svi zainteresirani kandidati/kinje svoje prijave trebaju poslati na e-mail adresu: info@amicaeduca.ba ili dostaviti u prostorije Udruženja Amica Educa, Klosterska 13, 75000 Tuzla, **najkasnije do 15.02.2022.godine do 15:00 sati.**

Prijava treba sadržavati:

- Kopiju lične karte (ne treba biti ovjerena)
- Kopiju diplome (ne treba biti ovjerena)
- CV kandidata/kinje sa detaljnim informacijama o potrebnim kvalifikacijama, iskustvu i referencama.
- Pravna lica također trebaju dostaviti CV osobe ili osoba koja će raditi na pripremi i realizaciji treninga.
- Kratki prijedlog metodologije treninga.

Napomena: U pripremi i realizaciji treninga mogu učestvovati i dvije osobe – u tom slučaju potrebno je dostaviti CV za obje osobe.

Kriteriji i način izbora kandidata/kinja

Nakon razmatranja prijava Komisija za izbor konsultanta/ice za sprovedbu Analize i izradu instrumenta za mjerenje uticaja projekta će donijeti Odluku o izboru. Prilikom analize pristiglih prijava, Komisija će uzeti u obzir sljedeće kriterije:

- iskustvo u obavljanju istih ili sličnih poslova,
- reference specifične za obavljanje ove vrste poslova,
- kvalitet predložene metodologije treninga.

Nakon sprovedene procedure Komisija će dostaviti pismenu obavijest svim kandidatima/kinjama koji su podnijeli prijave.

Kontakt osoba:

Za sve dodatne informacije u vezi prijave, kontakt osoba je Ivona Erdeljac, program direktorica Udruženja. Tel: 035 / 257 366; e-mail adresa: ivona.erdeljac@amicaeduca.ba

Tuzla, dana 31.01.2022.
Br.protokola: 01-28/22